

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԿԱՅԻՆ ԵՎ ՄԱՔՍԱՅԻՆ ՄԱՐՄԻՆՆԵՐԻ ԲՈՂՈՔԱՐԿՄԱՆ
ՀԱՆՁՆԱԺՈՂՈՎ**

ՈՐՈՇՈՒՄ N 94/34

ք.Երևան

15 դեկտեմբերի 2023թ.

Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը (այսուհետ նաև՝ Հանձնաժողով), քննության առնելով ՀՀ ՊԵԿ Արևելյան մաքսատուն-վարչության «Վարչական տույժ նշանակելու մասին» 26.09.2023թ. թիվ 05100033/26092023/1022/6, 05100033/26092023/1023/6, 05100033/26092023/1024/6 և 05100033/26092023/1025/6 որոշումների դեմ «Ռ ԵՎ Վ ԲՐՈԿ» ՍՊԸ-ի մաքսային ձևակերպումների մասնագետ Վաչագան Հովհաննիսյանի դիմում-բողոքը՝

ՊԱՐԶԵՑ

1. Բողոքարկման առարկան, դիմում-բողոքով բերված փաստարկները և ներկայացված պահանջները

«Ռ ԵՎ Վ ԲՐՈԿ» ՍՊԸ-ի մաքսային ձևակերպումների մասնագետ Վաչագան Հովհաննիսյանը (այսուհետ նաև՝ բողոքաբեր) հայտնում է, որ սույն թվականի սեպտեմբերի 9-ին և 11-ին իր կողմից լրացվել են համապատասխանաբար թիվ 05100033/090923/0067121, 05100033/090923/0067120, 05100033/110923/0067381 և 05100033/110923/0067365 Տ/Հ-ները, որոնց 42-րդ դաշտում և իրեն ներկայացված փաստաթղթերում պրանքների արժեքը նշված են եղել համապատասխանաբար 14850000 ՀՀ դրամ, 5600000 ՀՀ դրամ, 11280000 ՀՀ դրամ և 9595000 ՀՀ դրամ (փաստաթղթերը կցված են Տ/Հ-ների փաստաթղթեր բաժնում դաշտ 44), սակայն վերը նշված գները ՊԵԿ աշխատակիցների կողմից չեն ընդունվել և տնտեսվարողներին առաջարկվել է վերանայել գները, որին տնտեսվարողները համաձայնել են և փոխել փաստաթղթերը: Թիվ 05100033/090923/0067121, 05100033/090923/0067120 Տ/Հ-ները մերժվել են հայտարարատուի դիմումի համաձայն, իսկ թիվ 05100033/110923/0067381, 05100033/110923/0067365 Տ/Հ-ները մերժվել են մաքսային կարգավորման մասին ՀՀ օրենքի 316-րդ հոդվածի 2-րդ մասով նախատեսված խախտման հիմքով, նշումներ դաշտում նշվել է «42-րդ դաշտը սխալ է»: 26.09.2023թ.-ին կայացվել են «Վարչական տույժ նշանակելու մասին» թիվ 1022/6, 1023/6, 1024/6, 1025/6 որոշումները, որոնք ուղարկվել են accinfo@mail.ru էլ փոստի միջոցով 06.10.2023թ.-ին:

Հաշվի առնելով այն հանգամանքը, որ բողոքաբերը Տ/Հ-ները լրացնելիս առաջնորդվել է բացառապես հայտարարատուի ներկայացված փաստաթղթերով, որոնց տվյալները

ճշտությամբ արտացոլված են S/Հ-ներում, նա չէր կարող կատարել վերը նշված մաքսային կանոնների խախտումը, առավել ևս որ 05100033/090923/0067121, 05100033/090923/0067120 S/Հ-ները մերժվել են հայտարարատուի դիմումի համաձայն, իսկ մյուս երկուսը ուղղակի հայտարարատուի կողմից ՊԵԿ աշխատակցի առաջարկը ընդունելու պատճառով: Գտնում է, որ վերջին երկուսում առկա չեն նույնիսկ S/Հ-ները մերժելու հիմքեր:

Հաշվի առնելով վերը շարադրվածը՝ մաքսային ձևակերպումների մասնագետ Վաչագան Հովհաննիսյանը խնդրում է անվավեր ճանաչել թիվ 1022/6, 1023/6, 1024/6, 1025/6 որոշումները:

2. Դիմում-բողոքի քննության համար էական նշանակություն ունեցող փաստերը

ՀՀ ՊԵԿ Արևելյան մաքսատուն-վարչության «Վարչական տույժ նշանակելու մասին» 26.09.2023թ. թիվ 05100033/26092023/1022/6 որոշման մեջ մասնավորապես նշված է, որ տարանցման հայտարարագրերում 42-րդ «Գին-արժույթ» դաշտը նշվել է սխալ՝ «5750000» ՀՀ դրամի փոխարեն նշվել է «5600000» ՀՀ դրամ:

ՀՀ ՊԵԿ Արևելյան մաքսատուն-վարչության «Վարչական տույժ նշանակելու մասին» 26.09.2023թ. թիվ 05100033/26092023/1023/6 որոշման մեջ մասնավորապես նշված է, որ տարանցման հայտարարագրերում 42-րդ «Գին-արժույթ» դաշտը նշվել է սխալ՝ «19850000» ՀՀ դրամի փոխարեն նշվել է «14850000» ՀՀ դրամ:

ՀՀ ՊԵԿ Արևելյան մաքսատուն-վարչության «Վարչական տույժ նշանակելու մասին» 26.09.2023թ. թիվ 05100033/26092023/1024/6 որոշման մեջ մասնավորապես նշված է, որ տարանցման հայտարարագրերում 42-րդ «Գին-արժույթ» դաշտը նշվել է սխալ՝ «11450000» ՀՀ դրամի փոխարեն նշվել է «11280000» ՀՀ դրամ:

ՀՀ ՊԵԿ Արևելյան մաքսատուն-վարչության «Վարչական տույժ նշանակելու մասին» 26.09.2023թ. թիվ 05100033/26092023/1025/6 որոշման մեջ մասնավորապես նշված է, որ տարանցման հայտարարագրերում 42-րդ «Գին-արժույթ» դաշտը նշվել է սխալ՝ «9880000» ՀՀ դրամի փոխարեն նշվել է «9595000» ՀՀ դրամ:

«ՌԵՎ ՎԵՐՈՎ» ՍՊԸ-ի մաքսային ձևակերպումների մասնագետ Վաչագան Հովհաննիսյանի կողմից հայտարարագրերում սխալ տեղեկություն նշելը չի հանգեցրել մաքսային վճարների, մաքսային մարմինների կողմից գանձվող այլ հարկերի, տուրքերի և վճարների չհաշվարկում /պակաս հաշվարկում/, ինչպես նաև արգելքների և սահմանափակումների, ոչ սակագնային կարգավորման միջոցների չկիրառում:

Այսինքն Վաչագան Հովհաննիսյանի արարքում առկա է «Մաքսային կարգավորման մասին» ՀՀ օրենքի 316-րդ հոդվածի 2-րդ մասով նախատեսված իրավախախտման հատկանիշներ:

ՀՀ ՊԵԿ Արևելյան մաքսատուն-վարչության կողմից «Վարչական տույժ նշանակելու մասին» 26.09.2023թ. թիվ 05100033/26092023/1022/6, 05100033/26092023/1023/6, 05100033/26092023/1024/6 և 05100033/26092023/1025/6 որոշումներ են կայացվել՝ «Մաքսային կարգավորման մասին» ՀՀ օրենքի 316-րդ հոդվածի 2-րդ մասով նախատեսված

մաքսային կանոնների խախտում կատարելու համար Վաչագան Հովհաննիսյանին ենթարկել վարչական պատասխանատվության՝ տուգանելով 10000-ական ՀՀ դրամի չափով:

3. Բողոքարկման առարկային վերաբերվող իրավական կարգավորումներ և եզրահանգումներ

ԵԱՏՄ մաքսային օրենսգրքի (այսուհետ նաև՝ Օրենսգիրք) 2-րդ հոդվածի 7-րդ կետի համաձայն՝ «հայտարարատու»՝ անձ, որը հայտարարագրում է ապրանքներ կամ որի անունից հայտարարագրվում են ապրանքներ, իսկ 35-րդ կետի համաձայն՝ «մաքսային հայտարարագրումը» մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

Օրենսգրքի 84-րդ հոդվածի 2-րդ կետով սահմանված են հայտարարատուի պարտավորությունները, այն է՝ կատարել ապրանքների մաքսային հայտարարագրում, նույն Օրենսգրքով նախատեսված դեպքերում մաքսային մարմին ներկայացնել մաքսային հայտարարագրում ներկայացված տեղեկությունները հաստատող փաստաթղթեր, ներկայացնել հայտարարագրվող ապրանքները՝ սույն Օրենսգրքով նախատեսված դեպքերում կամ մաքսային մարմնի պահանջով, վճարել մաքսային վճարները, հատուկ, հակազնազցման, փոխհատուցման տուրքերը և (կամ) ապահովել դրանց վճարման պարտավորության կատարումը՝ սույն Օրենսգրքին համապատասխան, պահպանել մաքսային ընթացակարգին համապատասխան ապրանքների օգտագործման պայմանները կամ ապրանքների առանձին կատեգորիաների համար սահմանված այն պայմանները, որոնք, սույն Օրենսգրքին համապատասխան, ենթակա չեն մաքսային ընթացակարգերով ձևակերպման, կատարել սույն Օրենսգրքով նախատեսված այլ պահանջներ:

Օրենսգրքի 107-րդ հոդվածով սահմանվում են տարանցման հայտարարագրերում նշման ենթակա տեղեկությունները: Նույն հոդվածի 1-ին մասի 1-ին կետի համաձայն՝ հայտարարագրում նշվում են տեղեկություններ ապրանքներն ուղարկողի և ստացողի մասին՝ տրասնպորտային (փոխադրման) փաստաթղթերին համապատասխան, հայտարարատուի, փոխադրողի մասին:

Օրենսգրքի 401-րդ հոդվածի 1-ին և 2-րդ մասերի համաձայն՝ մաքսային ներկայացուցիչը հայտարարատուի կամ այլ շահագրգիռ անձանց անունից և նրանց հանձնարարությամբ իրականացնում է մաքսային գործառնություններ այն անդամ պետության տարածքում, որի մաքսային մարմնի կողմից նա ընդգրկվել է մաքսային ներկայացուցիչների ռեեստրում՝ մաքսային կարգավորման ոլորտի միջազգային պայմանագրերին և ակտերին համապատասխան: Մաքսային ներկայացուցչի հարաբերությունները հայտարարատուների կամ այլ շահագրգիռ անձանց հետ ձևավորվում են պայմանագրային հիմքի վրա:

Օրենսգրքի 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել սույն Օրենսգրքով սահմանված և (կամ) անդամ պետությունների՝

մաքսային կարգավորման վերաբերյալ օրենսդրությամբ սահմանվող այլ պարտականություններ:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

«Մաքսային կարգավորման մասին» ՀՀ օրենքի 316-րդ հոդվածի 1-ին մասի համաձայն՝ ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը, որի հետևանքով չի առաջանում մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չհաշվարկում (պակաս հաշվարկում) կամ չվճարում (պակաս վճարում), ինչպես նաև արգելքների և սահմանափակումների, ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում առաջացնում է նախազգուշացում:

Նույն հոդվածի 2-րդ մասի համաձայն՝ նույն հոդվածի 1-ին մասով սահմանված արարքը մեկ տարվա ընթացքում կրկին կատարելը առաջացնում է տուգանք՝ տասը հազար դրամի չափով:

«Մաքսային կարգավորման մասին» ՀՀ օրենքի 332-րդ հոդվածի համաձայն մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ: Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս:

Ելնելով վերը նշված իրավանորմերի դրույթներից, հիմք ընդունելով սույն որոշման 2-րդ կետում բերված փաստական տվյալները և ծանոթանալով ՀՀ պետական եկամուտների կոմիտեի տրամադրության տակ եղած տեղեկություններին՝ Հանձնաժողովը գտնում է, որ քննարկվող դեպքում մաքսային ձևակերպումների մասնագետ Վաչագան Հովհաննիսյանի զանցանքն առկա չէ, բացակայում է անձի կատարած անօրինական գործողությունը կամ

անգործությունը, որը կարող էր հանգեցնել «Մաքսային կարգավորման մասին» ՀՀ օրենքի 316-րդ հոդվածի 2-րդ մասով սահմանված պատասխանատվության կիրառմանը, ուստի ՀՀ ՊԵԿ Արևելյան մաքսատուն-վարչության «Վարչական տույժ նշանակելու մասին» 26.09.2023թ. թիվ 05100033/26092023/1022/6, 05100033/26092023/1023/6, 05100033/26092023/1024/6 և 05100033/26092023/1025/6 որոշումների դեմ «ՌԵՎ ՎԲՐՈԿ» ՍՊԸ-ի մաքսային ձևակերպումների մասնագետ Վաչագան Հովհաննիսյանի դիմում-բողոքը ենթակա է բավարարման:

4. Եզրափակիչ մաս

Ելնելով քննության արդյունքներից և ղեկավարվելով Հայաստանի Հանրապետության հարկային օրենսգրքի 20-րդ բաժնով, «Մաքսային ծառայության մասին» Հայաստանի Հանրապետության օրենքի 37-րդ հոդվածով, Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը

ՈՐՈՇՈՒՄ Է՝

«ՌԵՎ ՎԲՐՈԿ» ՍՊԸ-ի մաքսային ձևակերպումների մասնագետ Վաչագան Հովհաննիսյանի դիմում-բողոքը բավարարել՝ բեկանել ՀՀ ՊԵԿ Արևելյան մաքսատուն-վարչության «Վարչական տույժ նշանակելու մասին» 26.09.2023թ. թիվ 05100033/26092023/1022/6, 05100033/26092023/1023/6, 05100033/26092023/1024/6 և 05100033/26092023/1025/6 որոշումները:

Սույն որոշումն ուժի մեջ է մտնում իրազեկելուն հաջորդող օրվանից:

ՀԱՆՁՆԱԺՈՂՈՎԻ ՆԱԽԱԳԱՀ՝

12/20/2023



ԿԱՐԵՆ ԹԱՄԱԶՅԱՆ

Signed by: TAMAZYAN KAREN 2612840184

ԿԱՐԵՆ ԹԱՄԱԶՅԱՆ